

I MAI

I mai
som vi alle er så gla' i
då kan eg gå på kino
og sjå ein dårleg film
Og le når eg kjem ut igjen
Saman med min beste venn
for sola ho skin endå på ein fjelltopp
i mai

I mai
som vi alle er så gla' i
Då leitar eg fram grillen
og kjøper kotelett
poteter og bernaisesaus
gjestar kjem det i eit raus
Vi sløyfar is i glasa
Det frys nok av seg sjølv
i mai

Då tar eg på meg kortebrok
og går ein tur i mark og skog
Du ler av mine spisse kne
Du sit og ler og hetsar meg
Men eg berre humpar og går
sorgene mine dei dansar
i valsetakt i år

I mai
som vi alle er så gla i
Alle ser på bjørka
Som skal sprette ut
Lysegrønt mot himmelblått
auget det blir stort og vått
det er'kje greitt for nasa mi
med pollenallergi
i mai

Når alle naboar går ut
med rive, kost og vaskeklut
Dei plantar, sår og vaskar glas
Eg vassar her i gammalt gras
Men eg berre humpar og går
sorgene mine dei dansar
i valsetakt i år

I mai
som de alle er så gla' i
då gler eg meg til januar
når snøen ligg her djup
og hagestell er gløymt og vekk
pollen, støv og gras og hekk
er fjerne minne sjølv om
dei kjem igjen
i mai

I mai
Som de alle er så forferdelig gla' i
I mai ...

og – mai

A-tema

d-d/C-Bmaj7-A x2

F-C

d-A

d-d/C-Bmaj7-A

B-tema

F-C / d-A x2

(³/₄) d-d/C-Bmaj7-A x2